

USLOVI ZA OSIGURANJE ODGOVORNOSTI POPRAVLJAČA PLOVILA



DA BI BILO
JASNIJE



BITNA
DOKUMENTA



SKREĆEMO
VAM PAŽNJU



POSEBNO
VAŽNO



OSIGURANA
SUMA PREMIJA

UVODNE ODREDBE



Član 1

- (1) Ovi Uslovi se primjenjuju na osiguranje odgovornosti popravljача plovila. Pojedini izrazi u ovim Uslovima imaju sledeća značenja:
- **OSIGURAVAČ** – Generali osiguranje Montenegro AD Podgorica, sa kojim je zaključen ugovor o osiguranju; **UGOVARAČ OSIGURANJA** – lice koje sa Osiguravačem zaključi ugovor o osiguranju;
 - **OSIGURANIK** – brodograditelj i/ili brodogradilјač čija je odgovornost obuhvaćena osiguranjem;
 - **TREĆE LICE** – osoba koja nije subjekat ugovora o osiguranju, odnosno osoba čija odgovornost nije obuhvaćena osiguranjem;
 - **PREMIJA** – iznos koji je ugovarač osiguranja dužan da plati po zaključenom ugovoru o osiguranju;
 - **POLISA** – pismena isprava o zaključenom ugovoru o osiguranju;
 - **OSIGURANI SLUČAJ** – budući, neizvestan i nezavisan od isključive volje ugovornih strana, štetan događaj koji ima za posledicu nastajanje štete čiju bi naknadu mogla zahtijevati treća oštećena osoba;
 - **IZVOR OPASNOSTI** – djelatnost (zanimanje), stvari (pokretne i nepokretne), pravni odnos ili određena svojstva iz kojih može nastati odgovornost kao rizik pokriven ovim osiguranjem.

U ovim Uslovima brodogradilištem se smatra klasično brodogradilište i/ili remontno brodogradilište.

OSNOVNE ODREDBE

Predmet osiguranja

Član 2

- (1) Prema ovim Uslovima Osiguravač se obvezuje da će, uz ograničenja navedena u ovim Uslovima, nadoknaditi osigurniku iznos koji je ovaj dužan platiti na osnovu zakonske odgovornosti osigurnika, njegovih zaposlenih i/ili kooperanata i njegovih zaposlenih za sledeće štete:
1. a) na brodu, jahti, ili plovnom objektu (u nastavku teksta: plovilo) dok se nalaze pod osigurnikovim nadzorom zbog gradnje, čuvanja (uz uslov da postoji namjera da se na plovilu obavljaju radovi), popravaka, prepravka održavanja i sličnih uobičajenih osigurnikovih radova i aktivnosti na području brodogradilišta;
 - b) na plovilu i onda kad je osigurnik uputio plovilo do najviše 25 nautičkih milja izvan područja brodogradilišta zbog popravke i radova koji se ne mogu obaviti na području brodogradilišta;
 - c) na plovilu za vrijeme uobičajenih probnih vožnji u krugu do najviše 25 nautičkih milja izvan područja brodogradilišta;
 2. na demontiranim dijelovima plovila na području brodogradilišta dok se nalaze u prevozu radi popravke ili u skladištima radi čuvanja, s tim da je iz pokrića isključena krađa ili nestanak tih dijelova;
 3. na nekom drugom plovilu ako su uzrokovane od uobičajenih radova i aktivnosti iz osigurnikove djelatnosti, uz ograničenja iz tačke 1. ovoga člana;
 4. zbog provalne krađe stvari na plovilu i njemu pripadajućim dijelovima dok su na području brodogradilišta, uz ograničenja iz člana 5. tačka 10. ovih Uslova;

5. zbog smrti ili tjelesnog oštećenja osoba koje zbog službenih razloga borave u brodogradilištu (uključuju se članovi posade plovila, a isključuju su osobe koje su zaposlene kod osiguranika i/ili njegovih kooperanata) ako su smrt ili tjelesno oštećenje nastali na području brodogradilišta i ako su nastali kao posljedica ovim osiguranjem obuhvaćenih rizika vezanih uz osiguranikovu djelatnost;
6. na stvarima članova posade plovila ili trećih lica koja zbog službenih razloga borave u brodogradilištu (isključuju se osobe koje su zaposlene kod osiguranika i/ili njegovih kooperanata);
7. nastale kao posljedica uobičajenih aktivnosti iz osiguranikove djelatnosti, uz ograničenja iz člana 8. ovih Uslova.



Suma osiguranja i obim osiguravačeve obaveze

Član 3

- (1) U skladu sa ovim uslovima osiguravač se obavezuje da naknaditi osiguraniku, do visine ugovorene sume osiguranja navedene u polisi i uz primjenu odredaba iz člana 4. ovih Uslova, iznose koje je on obavezan platiti trećim osobama za štete prouzrokovane pojedinim štetnim događajem. Suma osiguranja umanjena za iznos ugovorene odbitne franšize je gornja granica Osiguravačeve obaveze po jednom osiguranom slučaju, pa i onda kad za štetu odgovara više osoba čija je odgovornost obuhvaćena ovim osiguranjem.
- (2) Suma osiguranja ugovara se u fiksnom novčanom iznosu i predstavlja maksimalnu obavezu osiguravača po jednom štetnom događaju za sva oštećena treća lica tim štetnim događajem, bez obzira na njihov broj. Više vremenski povezanih štetnih događaja nastalih usled istog uzroka predstavlja jedan štetni događaj. Ugovorena suma osiguranja predstavlja maksimalnu obavezu osiguravača tokom perioda trajanja osiguranja.
- (3) Visina štete za koju Osiguravač jamči ograničen je na običnu štetu.

Član 4

- (1) Osiguravač će osiguraniku naknaditi troškove spašavanja, troškove nastale zbog preduzetih aktivnosti s ciljem smanjenja već nastalih šteta te troškove sudskog ili arbitražnog postupka kojega je osiguranik imao u sporovima radi obrane od neutemeljenih odštetnih zahtjeva ili od neprimjerene visine odštetnih zahtjeva, uz uslov da za vođenje takvog sudskoga ili arbitražnoga postupka osiguranik ima prethodnu Osiguravačevu suglasnost.
- (2) Ovi troškovi naknadit će se i onda kad zajedno s naknadom štete premašuju sumu osiguranja, ali najviše do visine 20 (dvadeset) % sume osiguranja.

Isključenje osiguravačeve obaveze

Član 5

- (1) Prema ovim Uslovima isključene su u cijelosti sve Osiguravačeve obaveze za:
 1. štete koje nastanu zbog zlonamjernih postupaka i/ili grube nemarnosti osiguranika i njegovih zaposlenih i/ili njegovih kooperanata i njihovih zaposlenih, štete koje počinu treće osobe ili nepoznati počinitelji te štete koje se ne mogu pripisati osiguranikovo odgovornosti i nemaju direktnu vezu s osiguranikovom djelatnošću;
 2. štete koje nastanu zbog neodržavanja, zapuštenosti, istrošenosti ili dotrajalosti plovila i/ili opreme i sredstava kojima se osiguranik i/ili njegovi kooperanti služe u obavljanju svoje djelatnosti;
 3. štete koje nastanu iz preuzetih, a neobavljenih ugovornih obaveza;
 4. štete na dijelu plovila koji ima skrivene nedostatke te troškovi potrebni da bi se ispravio loš rad, materijal ili nacrt kojeg je obavio, uzrokovao ili dopustio osiguranik;
 5. štete na imovini osiguranika i/ili njegova kooperanta i štete na imovini koju je osiguranik i/ili njegov kooperant unajmio i/ili iznajmio;
 6. štete koje nastanu zbog nepravilnog ili nestručnog postupka vlasnika ili posade plovila;
 7. štete na imovini trećih lica, osim za slučaj iz člana 2. stav 6. ovih Uslova;
 8. štete koje nastanu direktno ili posredno od rata ili štrajka ili ratu ili štrajku sličnih događaja nezavisno da li je rat objavljen ili nije, zbog sabotaže, revolucije, ustanka, građanskih nemira, povrede blokade, konfiskacije, zaplene, terorističkih čina, zlonamjernoga podmetanja eksploziva ili eksplozivnih ili sličnih naprava i njima sličnih djela;
 9. krađa i štete koje na bilo koji način nastanu na umjetničkim slikama ili na drugim umjetničkim predmetima, na predmetima od plemenitih materijala, na novcu, vrijednosnim papirima, numizmatičkim i filatelističkim zbirka i predmetima, dragocijnostima, predmetima koji kao unikati ili rijetkosti imaju veliku vrijednost i slično;
 10. krađa i štete na fotografskim aparatima, radio prijamnicima, TV prijemnicima, dvogledima i sl., osim kad je došlo do potonuća, požara ili eksplozije plovila i to od rizika obuhvaćenih prema ovim Uslovima;
 11. troškovi vađenja ili uklanjanja podrtnice plovila i/ili njegovih dijelova, nezavisno da li se vađenje ili uklanjanje obavlja prema nalogu nadležnih državnih organa ili ne te troškovi izvlačenja, porinuća i drugih sličnih radnji iz djelatnosti osiguranika i/ili njegovih kooperanata;

12. štete koje na plovilu prouzrokuju glodari (miševi i slično) pa i onda kad su takve štete nastale u brodogradilištu;
13. štete koje nastanu zbog smrzavanja vode;
14. štete koje bi osiguranik mogao imati zbog gubitka vremena, gubitka poslovnih odnosa, ugleda i slično;
15. štete posebno uzrokovane nastankom slučajeva kakvi su: gubitak zarade, zakašnjenje prema brodu, danguba i drugi slični gubici uzrokovani nastankom osiguranoga slučaja;
16. štete koje nastanu direktno ili posredno zbog nuklearne eksplozije i/ili zračenja radioaktivnih proizvoda i/ ili radioaktivnih otpadaka, osim radioaktivnih izotopa koji se rabe u industrijske, komercijalne, poljodjelske, medicinske ili naučne svrhe;
17. štete koje nastanu zbog trajnog djelovanja temperature, plinova, pare, vlage, padalina, dima, čađe, prašine i slično, zbog budji potresa, šumova i slično, a što ima za posljedicu postupno nastajanje štete;
18. štete od požara ili eksplozije ako prije izvođenja radova nije obavljena degazacija i/ili ako se nisu poštivali propisi o izvođenju radova na plovilima;
19. štete koje se jave kao trošak čišćenja neočišćenih plovila i/ili plaže i/ili mora i/ili obale oko mjesta zagadjenja ako je zagadjenje uzrokovano istjecanjem goriva ili maziva iz plovila koje se gradi ili je preuzeto u brodogradilište radi obavljanja nekih drugih radova;
20. štete proizašle od ili u vezi plovila kojeg je osiguranik preuzeo samo radi čuvanja;
21. bilo koje štete ili gubici ako nisu otkriveni i u pisanu obliku prijavljeni Osiguravaču u roku 90 dana od isporuke plovila vlasniku ili posadi plovila odnosno u roku 6 mjeseci nakon što je osiguranik završio radove, stim što će se uzeti u obzir rok koji prije istekne.

Član 6

- (1) Ako se zbog osiguranikovog postupka ili s njegovim pristankom znatno povećao rizik, Osiguravač nije obavezan naknaditi štetu koja se može pripisati takvoj promjeni rizika.

Prava i obaveze ugovarača osiguranja i osiguranika

Član 7

- (1) Ugovarač osiguranja je obavezan:
 1. pri zaključenju ugovora o osiguranju prijaviti Osiguravaču sve okolnosti koje je znao ili je morao znati, a važne su za ocjenu rizika;
 2. pri zaključenju ugovora o osiguranju platiti premiju osiguranja;
 3. obavijestiti Osiguravača o svakoj promjeni okolnosti koja može biti važna za promjenu rizika nezavisno da li je rizik promijenjen njegovom voljom ili postupkom ili bez njegovoga utjecaja.

Član 8

- (1) Osiguranik je za vrijeme trajanja osiguranja obavezan pažnom dobrog privrednika voditi brigu o predmetima osiguranja.
- (2) Pri preuzimanju plovila radi obavljanja nekih od radova ili usluga iz svoje djelatnosti osiguranik je obavezan s vlasnikom ili njegovim punomoćnikom zaključiti tipski ugovor o poslovima koji će se obavljati.
- (3) Za svaku pogodbu (ugovor) izvan uobičajenog opsega osiguranikove djelatnosti, a koja se želi uključiti u Osiguravačno pokriće, potrebna je posebna Osiguravačeva suglasnost.
- (4) Za obavljene radove i/ili usluge osiguranik mora ispostaviti ispravan račun s detaljnim popisom obavljenih radova i/ili usluga te utrošenoga materijala i ugrađenih dijelova.
- (5) Osiguranik je obavezan imati ustrojenu 24-satnu stražarsku službu. Kršenje ove odredbe ima za posljedicu automatski raskid ugovora o osiguranju.

Član 9

- (1) Osiguranik ne smije bez saglasnosti Osiguravača priznati svoju odgovornost za štetu niti zaključiti nagodbu.
- (2) Ako osiguranik prizna svoju odgovornost za počinjenu štetu bez prethodne saglasnosti Osiguravača, Osiguravač je u obavezi samo onda ako se kasnije utvrdi da je osiguranik stvarno odgovoran za nastalu štetu.
- (3) Ako oštećenik podnese tužbu osiguranik je dužan o tome pravovremeno obavijestiti Osiguravača.
- (4) Osiguranik je saglasan da Osiguravač prema potrebi može u osiguranikovo ime i za svoj trošak preuzeti i voditi arbitražni ili sudski postupak.

Član 10

- (1) Osiguranik je obavezan izvijestiti Osiguravača o nastupanju osiguranoga slučaja najkasnije u roku 3 (tri) dana od dana kad je za njega saznao odnosno od dana kad je treća oštećena osoba u pisanu obliku zatražila od osiguranika naknadu štete koju je

ovaj prouzrokovao. U slučaju nepoštovanja ovoga roka osiguranik je obavezan naknaditi Osiguravaču svaku štetu koju bi ovaj zbog toga mogao imati.

- (2) Prijava štete mora sadržavati sve podatke koji su osiguraniku u trenutku prijave poznati, a posebno treba opisati događaj, navesti datum i mjesto nastanka štete, oštećenikovo ime odnosno naziv, utvrđeni ili pretpostavljeni uzrok štete te visinu odštetnog zahtjeva kojega je oštećenik postavio ili bi mogao postaviti. U prijavi ili u njenom prilogu osiguranik je obavezan navesti moguće posljedice i podatke o preuzetim mjerama s ciljem smanjenja štete, odnosno sprečavanja proširenja štete.
- (3) Svaki slučaj iz člana 2. tačka 4. ovih Uslova (provalna krađa) osiguranik je obavezan prijaviti i nadležnome tijelu MUP-a.
- (4) Kad primi oštećenikov odštetni zahtjev, osiguranik ga je dužan, bez odlaganja, sa svom potrebnom dokumentacijom prosljeđiti Osiguravaču uz pisano obrazloženje i posebno navedeni komentar o svojoj obvezi odnosno odgovornosti za nastalu štetu.
- (5) Osiguranik je, na Osiguravačev zahtjev, obavezan pružiti mu svaku pomoć pri prikupljanju dokaza i informacija u svezi nastale štete, predložiti svjedoke i očevice nastalog događaja i s Osiguravačem učestvovati u vođenju postupka za odbranu od neuteemeljenih i/ili neprimjereno visokih odštetnih zahtjeva.



OSIGURAVAČEVA PRAVA I OBAVEZE

Član 11

- (1) Kad primi prijavu o nastalom osiguranom slučaju Osiguravač je obavezan odmah, a najkasnije u roku tri dana, pristupiti izvidu, utvrđivanju i procjeni štete, a ako to ne učini osiguranik može početi uklanjati štetu uz uslov da prije toga osiguranik utvrdi uzrok nastanka osiguranoga slučaja i opseg oštećenja.
- (2) Osiguranik može, uz uslov da za to prethodno dobije pisanu Osiguravačevu saglasnost, i prije isteka roka od tri dana početi uklanjati štetu ako je to prijeko potrebno radi nastavka redovitog proizvodnog ciklusa.
- (3) Ako Osiguravač u roku 24 sata ne odgovori na zahtjev iz stava 2. ovog člana smatraće se da je takva saglasnost s njegove strane data.

Član 12

- (1) Ako se iz odštetnog zahtjeva i iz njemu priloženih dokumenata utvrdi odgovornost Osiguranika i obveza Osiguravača za nastalu štetu, kao i visina štete, Osiguravač se obvezuje da će štetu isplatiti bez odlaganja, a najkasnije u roku od 14 dana po prijemu svih potrebnih dokumenata, i utvrđivanja obaveze Osiguravača,

Član 13

- (1) Osiguravač ima pravo:
 1. utvrditi uzrok i visinu štete, a pri tome je osiguranik obavezan pružiti mu svaku potrebnu pomoć;
 2. nadzirati popravku štete;
 3. tražiti da obračun štete ili račune popravke pregleda i potvrdi (ovjeri) vještak kojega odredi Osiguravač.



Naknada štete

Član 14

- (1) Osiguravač odgovara za štetu nastalu osiguranim slučajem samo ako treća oštećena osoba u pisanom obliku zahtijeva njezinu nadoknadu.
- (2) Oštećenik može direktno od Osiguravača zahtijevati naknadu štete koju je pretrpio događajem za kojeg odgovara osiguranik, ali najviše do iznosa osigurane svote umanjene za iznos ugovorene odbitne franšize.

Član 15

- (1) Ako u polisi nije drukčije ugovoreno, pri isplati štete na plovilu neće se obračunati odbitak iz naslova „novo za staro”, osim ako bi se tako znatno povećala vrijednost popravljenog predmeta. U tom slučaju odbit će se iznos tako dobivene uvećane vrijednosti. Pri likvidaciji štete Osiguravač neće priznati povećane troškove zbog prekovremenog rada i rada praznicima i/ili u neradne dana, osim ako se šteta na taj način smanjuje ili ako kontinuitet tehnološkog procesa pojedine radne operacije zahtijeva takav rad.
- (2) Pri naknadi štete Osiguravač ima pravo odbiti od naknade iz osiguranja iznos premije koju osiguranik duguje.
- (3) Ugovorena odbitna franšiza je obvezna i ne može se otkupiti. Visina odbitne franšize, kao i njezin najmanji i najveći apsolutan iznos, određuju se u polisi osiguranja, a primjenjuju se po jednom štetnom događaju.

Član 16

- (1) Ako osiguranik neopravdano odugovlači s popravkom štete, Osiguravač ima pravo smanjiti iznos naknade za onaj dio za kojega se cijena popravka povećala u poređenju s nižom cijenom koja se eventualno mogla postići da je popravak bio obavljen u razumnome roku.

Član 17

- (1) Ako se ukupan obim i visina štete ne mogu utvrditi u razumnom roku, Osiguravač je obavezan, na osiguranikov pisani zahtjev, isplatiti iznos nespornog dijela svoje obveze kao predujam iznosa štete koji će se naknadno utvrditi kao konačan.

Član 18

- (1) Ako se šteta obračunava prema nagodbi, a ne prema računima popravke, predračunska vrijednost popravka (uključuju se materijal i cijenu rada) smanjuje se do 30%.

Član 19

- (1) Ako osiguranik nastalu štetu može riješiti po osnovu nekog drugoga zaključenog osiguranja tada je takva šteta isključena iz pokrića prema ovim Uslovima u obimu u kojemu se može priznati i naknaditi prema tom drugoj ili prema tim drugim polisima osiguranja.



Troškovi utvrđivanja i naknade štete

Član 20

- (1) Osiguranikovi troškovi koji su bili potrebni radi utvrđivanja i likvidacije štete naknadit će se iz osiguranja:
 1. ako su bili potrebni;
 2. u mjeri u kojoj su bili potrebni i
 3. ako su nastali u svezi štete obuhvaćene ovim osiguranjem.

Troškovi direktno uzrokovani nastankom osiguranoga slučaja

Član 21

- (1) Osiguranikovi troškovi koji su nastali direktno zbog nastanka osiguranoga slučaja naknađuju se iz osiguranja ako su bili nužni i razumni. To uključuje i svaki trošak učinjen umjesto nastanka štete obuhvaćene osiguranjem ili nastanka kakva drugog troška koji bi, da je bio učinjen, bio priznat. Ovi će se troškovi smatrati obuhvaćenim u smislu odredaba ovoga člana, ali samo do iznosa tako ušteđenoga drugog troška ili štete obuhvaćene ovim Uslovima osiguranja.

Subrogacija

Član 22

- (1) Isplatom štete, do visine isplaćene odštete, na Osiguravača prelaze sva prava koja bi osiguranik imao od osoba odgovornih za štetu. Osiguranik je dužan preduzeti sve pravne i druge mjere i radnje s ciljem zaštite i očuvanja tih prava prema osobama odgovornim za nastalu štetu i s tim u svezi dužan je Osiguravaču pružiti svu potrebnu dokumentaciju i pomoć. U suprotnom osiguranik je odgovoran Osiguravaču za sve posljedice koje se mogu pripisati njegovom propustu.



Premija osiguranja

Član 23

- (1) Premija osiguranja za tekuću godinu (početni obračun) obračunava se unaprijed za cijelu godinu osiguranja i to na osnovu knjigovodstvenih podataka iz protekle kalendarske godine. Ako tih podataka nema zbog toga što osiguranik tek započinje s obavljanjem svoje djelatnosti, početni obračun premije obračunat će se u visini minimalne godišnje premije predviđene tarifom premija za ovo osiguranje.
- (2) Ako nije drukčije ugovoreno, obračun premije tokom godine obavlja se tromjesečno na osnovu podataka o osiguranikovom ukupnom prihodu iz djelatnosti u tome tromjesečju. Osiguranik je obavezan dostaviti Osiguravaču podatke o tromjesečnom ukupnom prihodu iz svoje djelatnosti u roku 15 dana od isteka tromjesečja.

- (3) Istekom kalendarske godine osiguranik je obavezan platiti premiju i prema konačnom obračunu uz primjenu premijske stope određene u polisi osiguranja. Osiguranik je obavezan dostaviti Osiguravaču podatke o cjelogodišnjem ukupnom prihodu iz svoje djelatnosti u protekloj godini u roku 30 dana od isteka zakonskog roka za predaju završnog računa Poreskoj upravi.
- (4) Premijska stopa za pokriće rizika iz člana 2. ovih Uslova primjenjuje se na ukupan godišnji prihod iz osiguranikove djelatnosti.
- (5) Osiguranik je obavezan početnu premiju i iznose svih tromjesečnih obračuna premije platiti u roku 8 dana od dana prijama računa-fakture, ako nije drukčije ugovoreno. Za prekoračenje ovoga (ili drukčije ugovorenoga) roka Osiguravač ima pravo osiguraniku zaračunati zakonsku zateznu kamatu.
- (6) Način obračuna i plaćanja premije utvrđuje se u polisi osiguranja.

Član 24

- (1) Ako se ugovor o osiguranju raskine prije roka ugovorenog shodno čl. 27, 28. i 29. ovih Uslova, konačan obračun premije obavlja se za period od dana ugovorenog početka trajanja osiguranja do dana raskida ugovora.

Član 25

- (1) Osiguravač ima pravo pregleda odgovarajućih osiguranikovih poslovnih knjiga i evidencija radi nadzora ispravnosti podataka prijavljenih za obračun premije.
- (2) Osiguravač se obavezuje da će podatke iz dostavljenih prijava i podatke koje je doznao uvidom u osiguranikove poslovne knjige i evidencije čuvati kao poslovnu tajnu.
- (3) Osiguranik se obavezuje da će osiguravaču ili od njega ovlašćenim osobama omogućiti nesmetan uvid u poslovne knjige i evidencije iz stava (1) ovoga člana.

Trajanje osiguranja

Član 26

- (1) Obaveza osiguravača iz Ugovora o osiguranju počinje, ukoliko se drugačije ne ugovori, po isteku 24-og časa dana koji je u ispravi o osiguranju naveden kao početak osiguranja a završava u 24,00 sata posljednjeg dana predviđenog u ugovoru o osiguranju.
- (2) Ako rok trajanja osiguranja nije određen ugovorom, svaka strana može raskinuti ugovor s danom isteka tekuće godine osiguranja, izvješćujući o svojoj namjeri u pisanu obliku drugu ugovornu stranu najkasnije tri mjeseca prije isteka tekuće godine osiguranja. U tom slučaju osiguranje prestaje istekom dvadesetčetvrtog sata posljednjeg dana tekuće godine osiguranja.
- (3) Osiguravač može raskinuti ugovor o osiguranju i prije roka navedenog u prethodnome stavu ovoga člana ako su se bitno promijenile okolnosti na osnovu kojih je osiguranje zaključeno.
- (4) Osiguranikova odgovornost prema ovim Uslovima počinje dolaskom plovila u brodogradilište, odnosno trenutkom kad stvarno upravljanje plovilom preuzme osiguranik, a prestaje trenutkom kad stvarno upravljanje plovilom preuzme posada plovila.

Član 27

- (1) Ako je osiguranje zaključeno na rok duži od pet godina svaka strana može, nakon isteka ovog roka, uz otkazni rok od šest mjeseci, u pisanu obliku izjaviti drugoj ugovornoj strani svoju namjeru da raskine ugovor.
- (2) Ako ugovarač osiguranja raskine ugovor koji je zaključen na rok duži od pet godina prije isteka tog roka, obavezan je platiti Osiguravaču razliku premije u visini popusta kojega mu je Osiguravač odobrio na ime trajanja osiguranja.

Član 28

- (1) Osiguravačeva obaveza iz osiguranja počinje, ako se drukčije ne ugovori, istekom dvadesetčetvrtog sata dana koji je u polisi naznačen kao početak osiguranja ako je do tog dana plaćena premija, a ako premija nije plaćena, istekom dvadesetčetvrtog sata dana uplate premije.
- (2) Ako je ugovoreno plaćanje premije nakon zaključenja ugovora, Osiguravačeva obaveza isplate naknade iz osiguranja počinje od dana određenog u ugovoru kao dan početka osiguranja.
- (3) Može se ugovoriti i da Osiguravačeva obaveza počinje od trenutka zaključenja ugovora o osiguranju.
- (4) Ako ugovarač osiguranja premiju koja je dospjela nakon zaključenja ugovora ne plati do dospelosti, niti to učini neka druga zainteresirana osoba, ugovor o osiguranju prestaje istekom roka od 30 dana od dana kad je ugovaraču osiguranja uručeno Osiguravačevo preporučeno pismo s obavještenjem o dospjelim i neplacenim premijama stim da taj rok ne može isteći prije proteka 30 dana od dospelosti premije.
- (5) U svakome slučaju ugovor o osiguranju prestaje ako premija ne bude plaćena u roku jedne godine od dana dospelosti.

VREMENSKO VAŽENJE OSIGURANJA

Član 29

- (1) Osiguravač je u obavezi samo onda ako osigurani slučaj nastane za vreme trajanja osiguranja.
- (2) Osigurani slučaj koji je nastao za vreme trajanja osiguranja, a kome je uzrok nastao u vremenu koje je prethodilo zaključenju ugovora o osiguranju ili u vremenu kada je osiguranje prekinuto, pokriven je osiguranjem samo ako ugovaraču osiguranja ili osiguraniku do početka osiguranja ili ponovnog početka osiguranja nije bio poznat ili nije mogao biti poznat uzrok zbog koga je nastao osigurani slučaj.

Završne odredbe prenos prava i obaveza

Član 30

- (1) Prenos prava i obaveza iz ugovora o osiguranju može se obaviti jedino uz izričitu Osiguravačevu suglasnost.

Zastara potraživanja

Član 31

- (1) Potraživanja iz ugovora o osiguranju zaključenog prema ovim Uslovima zastarijevaju prema odredbama Zakona o obligacionim odnosima.

Nadležnost u slučaju spora

Član 32.

- (1) U slučaju spora između ugovarača osiguranja, tj. osiguranika i osiguravača, nadležan je stvarno nadležni sud prema mestu zaključenja ugovora o osiguranju i kao merodavno pravo primenjuje se pravo Crne Gore.

Član 33

Na međusobne ugovorne odnose ugovarača osiguranja, tj. osiguranika i osiguravača, primenjuju se ovi uslovi, Zakon o obligacionim odnosima i odredbe pozitivnih zakonskih propisa Crne Gore.

Rješavanje sporova postupak mirenja medijacije

Član 34

- (1) Stranke su saglasne da će sve sporove proizašle iz ovog ugovora rješavati mirnim putem.
- (2) Ugovarač osiguranja i osiguranik saglasni su da će o svim stvarima, pritužbama, i nesporazumima proizašlim iz odnosa s Osiguravačem izvijestiti Osiguravača bez odlaganja.
- (3) Obavještenje iz prethodnog stava 2 ovog člana strane dostavljaju u pisanom obliku, iz kojeg se sa sigurnošću može razumjeti sadržaj obavještenja, potpis podnosioca obavještenja i vrijeme slanja obavještenja.
- (4) Osiguravač će primljeni prigovor iz stava 2 ovog člana uputiti drugostepenoj komisiji. Drugostepena komisija Osiguravača sastoji se od dva (2) člana, od kojih je najmanje jedan diplomirani pravnik. Odgovor drugostepene komisije dostavlja se u pisanom obliku bez odgađanja, a najkasnije u roku od osam dana od dana primanja prigovora suprotnoj strani.

Datum početka primjene 13.06.2014. godine.